

## ERRIMINDUA

«O Euskalerrri, eder maitea,  
 ara emen zure semea,  
 bere lurrari muiñ ematera  
 beste gabe etorria;  
 zuregatikan emango nuke  
 pozik bai nere bizia;  
 beti zuretzat, il arteraño,  
 gorputz ta anima guztia».

### Iparragirre

Gizon jatorra! omen-lorea  
 zor guztiok bai dautsegu,  
 gaur gizon bikain Iparragirre  
 goretsi naita gabiltz gu.  
 Erri artean erri goena  
 izan da beti Urretxu,  
 jator artean goresgarria  
 ango semea bai dogu.

O Joxe-Mari, goi-erraiñu min.  
 argi zakidaz joria,  
 zure antzera errai-munetan  
**sua** sortzeko bizia:  
 erria maite, euskera maite,  
 zeru goitikan jatsia:  
 ona guretzat, maixu zurrian  
 zuk erakutsi bidea.

Guraso zarren aritikoa  
 aitor bai zara odolez,  
 gure oitura sendo zindoak  
 maite zuk beti biotzez;

ta iskillu otsa goiz nabar baten  
 bizi ta sarkor entzunez,  
 oraindik gazte euskal mendira  
 ziñan aldatu joranez.

Trebe ta ausarta —nok diño bildur?  
 or-emen ziñan burruka,  
 zeru fedea ta lege zarra  
 zintzoro jagon bearka ...  
 Baiña noizbaiten, azpiratua,  
 igesi bear lasterka:  
 bularra zauriz, negar-malkoa  
 matralla bera, ibaika.

Erririk erri zabiltza gero  
 Prantzi aldean ituna,  
 gitarra zartxo barren-pozkille  
 dozula bakar laguna.  
 Eztarri leunez kantu-soiñuan  
 emon oi dozu eguna;  
 gauez, ostera, sorterri-miñak  
 dardartzen dautzu mun-muna.

Aleman ta Itali zear  
 bein Suiza'ra el ziñan;  
 Gotart deunaren erpin buruan  
 goi urdin deiez zutikan,  
 arrano sailla yatzun urbildu  
 zuri entzun-nai bizitan;  
 baita ekaitzen sabel gurian  
 kopeta suntsi zenduan.

Ipar aldetik, urrats okerka,  
 zeure gitarra zarrakin...  
 Euskalerrria biotzez laztan,  
 euskera gozoz itz egin...

Naiz-ta jolasen dirdir birundan,  
zeureakandik beti urrin...  
Etziñan iñoiz, o Joxe-Mari!,  
bizikera latz orren duin.

Egunsentikoz kantari goian  
bai pozik txori azkea!  
Azkenik zakust, barrien barriz,  
sorterri-argiz betea.  
Ase bai ase zeure lur-aizez,  
eder baita aterpea!  
Oñaz-arteko irri gozotan  
laztandu ama maitea!

Baiña laztandu orren gaiñetik  
Gernika'n Areitz donea!  
Ortxe bai dozu abaro ziña,  
aterpe ekaitzik bagea.  
Or ez da iñoiz be nabari guda,  
zurrunbil ta alkar iltea:  
so, arren, bere orri artean  
dirdai leunezko bakea.

Ikara zara, oleskaria!,  
zugatz deun orren azpian.  
Min dozu geroz, ai!, barrenean  
min ilkorra odolian.  
Ta arrasti batez —atseden naita—  
an urrin, iri aundian,  
«Gernika'ko Arbola» zenduan kanta,  
kartsuki maiteen artian.

ixio dira, urretxutar on!,  
zure jarraileen barneak.  
Oiu egizuz gure errian be  
barrutiko antsi meak:

lur eder onen maitasun sua,  
oitura zarren uluak...  
Zu giltzapean, baiña, sartzeko  
agindu dabe zibillak.

Maite-azia soloan erein,  
noiztik pekatu daiteke?  
Ire asmoak guzur uts sarri,  
ene gizarte eskerge!  
Ez ian, ez lorik, leiaz urtuta,  
izan zendun lar naigabe;  
ta noiz-edo-nciz aurkitu ziñan  
iñundiko loki gabe.

Euskal zelaian maite-areitza  
mardo zenduan jarrugi,  
baiña giroa etzan or-emen  
zuk opa baizen eztiki;  
ta sort-lurrari agur egiñaz,  
aldendu ziñan itunki,  
erbeste ogia, —oso lakarra—  
dozula aspaldian jaki.

Euskalerrria gogoan beti,  
itxas aldera nabari,  
ogei bat urte or Amerika'n  
egiñak dozuz lotsarik...  
Atsegiñezko leiar-urikan  
eztozu iñoiz edari,  
ta itxiz emazte, seme-alabak,  
barriz zatoz zu kantari.

Biotz on!, biotz on!, mindu orrek!  
Gurtu eizuz lur joriak;  
kanta dardarti, zora bearrez,  
zabal-zabalik begiak:

«Ara nun diran mendi maiteak,  
 ara nun diran zelaiak,  
 baserri eder txuri-txuriak,  
 iturri eta ibaiak».

Ule ta bizar edur gisako,  
 naiz-ta ez jzan orren zar,  
 ainbeste maite zenduzan mendi  
 troka zoragarri zear,  
 biziteko lain —au lotsagarri!—  
 atez ate eskatu bear...  
 Atzenik, jaio ziñan txokoan  
 illa zara, aiztu xamar!...

Euskal-elean trebe zaitugun  
 gizaki guren, azkarra!  
 Zuri begira, maixu bait-zara,  
 maite daigun ele zarra.  
 Zuk piztu eizu gure barnean  
 zureak daukan txingarra.  
 Orixe bedi gizaldi zear  
 dogun goranai bakarra.

### MAITASUN-OPARIA

Seme-sailla dozula  
 zure aulki inguru,  
 lerden ames zaitudan  
 ele ama aintzatsu:  
 omen gorazarrerik  
 urteetan ez dozu.  
 Olerkariak, alan be,  
 sor-miña ernatu  
 ta maite oparia  
 bizirot deskintzu.

Zeure baratz-ederkiz  
 osotua dozu:  
 dardar, su ta biotz-gur,  
 ai ta neke-gantzu.  
 Bakotxak, al giñoan,  
 zelan dan diñotzu,  
 gaur goretsi naiean  
 zure poz-eztegu.

### Bidaztia

Igandik aizkatuta,  
 maitezko sorterrri,  
 osto galdu antzera  
 or nabil aspaldi.  
 Baiña indar bat etenge,  
 bailitz ardo barri,  
 ene barren-eltzean  
 irakin diraki:  
 naita urrin-autsez oiñak,  
 i aut amesgarri.

### Semea

Illargi-printzak leiaz  
 gau-itzala maite;  
 biotzez dau arenbat  
 senarrak emazte.  
 Ama lakorik, baiña,  
 nekez aurki daite,  
 ta nik zu zaitut laztan  
 iñortxok ez beste:  
 biziak dirausteño  
 nire mintzo zaite.

**Neskatxa**

Larrosa loratua  
 baratzean eder...  
 Eusko-neskatxa, barriz,  
 etkez atera zer?  
 Sukalde barrun zernai  
 oroiz astun dager,  
 ta ainbat lora niretzat  
 zelai-munak ler.  
 Emen nagoken, beraz,  
 naita bizi bazter.

**Artzaiña**

Eder yat goi-erpiña,  
 mendiz artzain nabil;  
 lagun ditut ardiak,  
 txakur eta makil.  
 Esne, gaztae ori  
 ta sapedar pipil,  
 oro deskintzut zuri  
 oparo ta sotil:  
 zugana bai doakit  
 biotz-uxia ixil.

**Arraunlaria**

Oztin dago zabala,  
 aizea mee ixiltsu...  
 Nai bare nai aparrez  
 egiñik apuztu,  
 luze ta bardiñean  
 ur-lepoa neurtu,  
 lerden nabil itxasoz  
 arraunlari zaintsu.  
 Nok uretan gutarrik  
 iñoiz azpiratu?

**Olagizona**

Lurrari, ekiñean,  
 meatz gorri ostu,  
 sutan erre, antola,  
 burdiña biurtu:  
 orixe darabilgu  
 arlo zeregintsu.  
 Soiñez auts-koipe arren,  
 gogoz edur ta su,  
 eta iñoiz aztutzeka  
 euskeraz mintzatu,

**Gudaria**

Gorbei-gara egundo  
 ikusi ete lar?  
 Aren muin baizen sendo  
 ni ba-naz al ta indar.  
 Guda-ekaitz orduan  
 nok nik aiña bular?  
 Lerroan jokatzeko,  
 nai, adore ta gar?  
 Euskal-Erri maitea,  
 zugaz ez naz zabar!

**Itxastarra**

Ur geza dot aberri,  
 gaur on, biar naspil;  
 bere gerri gazian  
 arrantzuan nabil.  
 Ez dot ezeren kezka,  
 ez burun maratil;  
 soiña ez daust iñok  
 lokarri estuz bil.  
 Guztion Jaun: Zu zaitut  
 biotzean pilpil.

### **Padarra**

Dei batek gogo zear  
ots eustan bein egin;  
ta neukan oro itxirik,  
ama ta etxe urdin,  
ixil ta bake-billa  
joan nintzan urrin.  
Eder-ase begiak  
ta biotza goimin,  
bazter ontan ez naz  
ezertxoren premin.

### **Irulea**

Goiz urdin ta illunabar  
oi nire zoria!  
emen nago ariltzen  
artule aria.  
Bakar irun-bearrez  
arilki guztia,  
barruan ba-darabilt  
abarrots ausia.  
Baiña zugaitik jasan,  
ez al da eztia?

### **Lugiña**

Solo-lanean nozu  
lugiña egunez;  
urrezko gari-sailla  
zibuka dot aurrez.  
Iñoiz min izan arren,  
orain ikus pozez;  
ala biur yat, bada,  
udabarri-lorez:  
bego nire gogoa  
aren oroi-atsez.

### **Aitona**

Urteetan naz, egia,  
zerbait aurreratu,  
gorputza be apur bat  
uste-ezik mukuldu.  
Baiña oian-pagoa  
beingoz ete auldu?  
Ba-dot nik oraindiño  
adi-argi, onu:  
zu goratzeko, barriz,  
su gori dan bertsu.

### **Eusko-ama**

Opaz daukazu orain  
eusko semeen ama:  
mundu zear ospeak  
aspaldi narama:  
kumak seiñez ugaltzen  
iñoiz ez sarama;  
askotariko pitxiz  
ikus nire sama,  
ene sabel-aldien  
aintza dozun zama.

### **Basoa**

Otza igazitakoan  
or udalen jori;  
eguzkik joez gero  
edozer dardari;  
maite-aro dalako  
txara ta beresi,  
urre-kantaz zenbatu  
ezin aiña txori.  
Norentzat orren polit  
altz-adarra jantzi?

**Areitza**

Zarrez zerendurik  
 Gernika'n Areitza.  
 Oi, enbor doneari  
 biei dario atsa!  
 Aren soiña lenago  
 bai, zala malatsa!  
 Sari orde<sup>1</sup>z orain be,  
 guztizko aratza,  
 agur!, agur!, diñotzu,  
 iltean arratsa.

**Kantauri**

Kantauri, zabal-urdin,  
 pizti gurgur-izu,  
 eusko-seme zangarren  
 bizi-jardunleku,  
 erditze ixil-barrien  
 goi-bide zadortsu,  
 illunabar zuntzukin  
 jolasean kuku,  
 bitsezko ereskiñez  
 oiu baten dozu.

**Joalea**

Eta eleiz-ezkilak?  
 Oi, aren matraka!  
 Din-don ta din-don, aren  
 etenbako jarduna!  
 Txori ta aize lagun,  
 zer diño itz oska?  
 Goiz eta arrats, norentzat  
 ainbeste zarata?  
 Zoraturik daukazu  
 zuri agur leunka.

**Ganguena**

Aizkorri ta Gorbea,  
 Eretza ta Anboto,  
 Auñamendi ta Aralar,  
 Udalaiz ta Igeldo,  
 Sollube, Urko, Kalamu,  
 Oiz, Urbasa, Ernio,  
 danak izpi zuritan  
 urrezko lokiz io  
 ta zure otsein leial  
 dozuz poz-jario.

**Baserria**

Bide-kurutzan nasai  
 euskal baserria:  
 ereiñotza ondoan,  
 aurrez mailladia;  
 oroi-untzez josita  
 ate nagusia;  
 odol tantaz egiñik  
 dirudi gainkia:  
 baso mutil yaioen  
 ekarkor azia.

**Olerkaria**

Amak, ume nintzala,  
 Euskera goxo!,  
 zure garrez eustan jo  
 izate osoa.  
 Arrezkero zu zaitut  
 neure maite alai,  
**arrezkero zu zaitut**  
 neure min-abesgai.

Amaikak ba-diño  
zaartua zareala,  
pipi-zerenak janik  
il-ur zagozala.

Ta... zu ilten ba'zara,  
zelan nik abestu?  
Zuk uts emon ezkeru,  
zelan nik arnastu?  
Baiña, ba-dozu lar be,  
oindiño kemenik:  
urte luzez, oi maite!  
zagoz, bai, mardulik.

#### GAU - ERESIA

«Andra Maria,  
jaio baiño len,  
Esaera: Karmel-padarrak  
gogoz gur eben».

Gau-erdi. Giro epel atsegin;  
illargia goi albain jruten;  
geldi aitz, baso, beresi...  
Padar-taldeak, koba barruan,  
sail bitan kanta eresi.

**goak:** Erraldoi zantsu baten indarrez  
zerua zear, nasi-nasian,  
zelan odeiak iradu?  
Era berean gure arima  
zugana, Ama, doakigu.

**2'garrenak:** Gertu daukazuz gure biotzak,  
gure gogoak ernai daukazuz,  
oi amesezko zeru urdin!  
Goitar eresiz zu aintzatzea  
da gure gaurko zeregin.

Egun zabaltze sorgin-taiuzko;  
laiñoa bean aruntz-onuzka,  
**Tgoak:** argia goian eun zuri:  
buru ta biotz zeureak gozuz,  
labe goría iduri.

**2'garrenak:** Biotzak maite, kantu aoak,  
gau ta egun zu Amatzat autor,  
bai egiteko bakana!  
Zeru-zati bi diran begiok  
itzuli, arren, gugana.

**Tgoak:** Gabiltzan bide au dozu, Ama,  
ortzi-argiak sututakoa,  
garra guztiz ta ondo-nai;  
zuri atsegin yatzun goi-deia  
biotzak yakuz erregai.

**2'garrenak:** Nekatxa zara zoragarria,  
azalez urdin, barru-gun zuri:  
nun leike joro bardiñik?  
Zoramenezko ederkai orrek  
zuntzutan gaukaz loturik.

**l'goak:** Bai arduratsu dala Jainkoa!  
Gariak galtsu, azal egurrak,  
ak nai onek dau zaindari;  
guri, osterá, Ama gurena  
eratu dausku gidari.

**2'garrenak:** Zu barik, naiz-ta ondasun bete,  
bear aiñako aserik eztau  
gure barruko irakiñak.  
Txingar bi letxe, garkin pareko,  
or Ama-seme bikaiñak.